



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De magistro Ioanne, cui infirmanti sanctus Martinus & sanctus
Godehardus succurrerunt, cap. 77.

urn:nbn:de:hbz:466:1-13177

superius cibatum gloriatur in pane pauperis pasto-
ris. CÆSARIVS: Quis major Christo, qui in iu-
dicio dicturus est: Esuriui, & dedistis mihi mandu- Mas. 25.
care: Nullus: quantum verò Christo eiusque beatis
confessoribus eleemosyna placeat, vel quam valenter
huius, qui faciunt illam, in periculis succurrat, ex sequē-
ti visione demonstrabitur.

CAPUT LXXVII.

Magister Ioannes Decanus Aquensis, cùm *Ecclesio-*
scholaris esset, tam grauiter tempore quo- *Synae fratre,*
dam infirmatus est, ut confessus, & inun- *itius.*
ctus, nihil ei nisi mors supereesse videretur. Cui cùm ma-
teria rapta esset in cerebrum, solus jacens, in excessum
venit, vidiisque homines sibi ignotos intrare, qui lan-
ces, quas manibus portabant, cum lignis breuibus &
quadratis ante ipsum ponebant. Stantibus eis ex una
parte lectuli, contemplatus est introire tres inclitos
confessores, sanctum videlicet Martinum Turonen-
sem, & sanctum Godehardum Episcopum Hildeshei-
ensem, beatumque Berwardum, qui eum ex parte
altera circumstetere, in quorum aspectu puer Ioannes
vni imponitur linci, & ligna loco ponderis alteris
cumq; eleuata statera inuenitus esset eger min⁹ habens,
predicti confessores, puerum paruulum & mendicum
sinui eius imposuerunt, qui simul lancem aduersam
mox suspendentes, lignis grauiores apparuerunt: sta-
timque Ioannes, qui mihi visionem hanc retulit, in
sudorem erumpens, crisim fecit, & de eadem infirmitate
citius conualuit. APOLLONIVS: Quid scholaris
egrotantis ponderatio, vel quid pueri pauperis signi-
ficet adiectio penitus ignoro. CÆSARIVS: Puer idem
valde pauper erat, & despectus, cuius in tantum mi-
seritus est Ioannes, ut ei & panem frequenter daret, &
matri commendaret; homines barbaros, qui eum in
lance appendebant, daemones fuisse suspicor, qui
semper morietibus se ingerunt; ligna, pueri peccata,
quaer quia meritis eius grauiora videbantur, sancti co-
fessores, quos sepius interpellauerat, eleemosynariū
eius linci immiserunt, cuius beneficio adiutus est.

Quod

524 DE DIVERSIS VISIONIBVS

Quod verò vita humana quādoque propter eleemosynas morti subtrahatur, habes exemplum in vita sancti Ioannis Eleemonis, de Petro telonario, penè in consimili casu & visione. Hinc est quod Nabuchodonosor regi, cùm se in visione vidisset sub figura arboris ab angelo esse praecidendum, Daniel consuluit, ut peccata eleemosynis redimeret. Quod verò ob peccata etiam ante tempus quandoque vita hominis precidatur, idem Daniel testis est. Cùm Balthasar, prædicti regis filius, cum uxoribus & concubinis in vasis templi Domini conuiuando Deum irritaret, vidit contrafe articulos manus scribentis in pariete, tria hæc verba, Mane, Thecel, Phares: quam scripturā sic Daniel regi interpretatus est: Mane, id est, ante tempus diuinauit Deus regnum tuum, & compleuit illud. Thecel, appensus est in statera, & inuenitus es minus habes, scilicet de justitia. Phares, & quia peccata præpondixerunt, eadem nocte occisus est, & diuisum est regnum eius Medis & Persis. APOLLONIVS: Placet quod dicas. CAESARIUS: Tres præfati pontifices, aliorum trium Episcoporum visionem mihi ad memoriam reuocant relatu dignam.

CAPUT LXXVIII.

BOnæ memoriae Gerardus Abbas Clariwallis, qui nostris temporibus fuit, cùm tempore quodam visitandi gratia pergeret ad Claustum, & apud religiosos fratres sancti Matthiae hospitaretur, eadem nocte, dictis matutinis, ecclesiæ cryptam solus intravit, & ad sepulchra sanctorum Eucharij, Valerij, atque Materni, qui Treuerorum primi erant Episcopi, & nostrarum regionum Apostoli, deuotè satis otuit: maximè tamē petiuit sibi reuelari diuinitus, utrū magis expediret in officio Abbatiæ manere, vel illam resignare. Cui gloriosi illi tres præfules in multo splendore simul apparentes, dixerunt: Frater, nequaquam officium tuum resignes, quia in breui cum palma martyrij ad nos peruenies: sicque disparuerunt. Manè cùm esset profecturus, præpositus sancti Simeonis cum, ut secum in reditu hospitari dignaretur rogauit, quod